

Тексерілді *Урал*
Әдіскер: Уразалина Г.Б

Бекітілді *Курманова*
Бестамақ "Болашақ" балалар бақшасының
менгерушісі Курманова Л.Б.

Бестамақ "Болашақ" балалар бақшасы

"Қош келдің, әз Наурыз"



**«Балдырған» тобы мен «Балапан» тобы арасындағы
мерекелік іс-шара**

**Ұйымдастырушылар: тәрбиешілер және
музыка жетекшісі: Наурзалиева А.А.**

2022 ЖЫЛ

«Ер төстік» ертегісімен «Балапан» мен «Балдырған» тобы

Наурыз тойы басталып жан-жақтан балалар бір-бірімен амандасып, көріседі де отырады.

Жүрг: ҚУАНЫШ - бақ тілеп еліме,
МЕРЕКЕ - құт тілеп жеріме.
Әлемді аралап, шарқ ұрып,
Келдің бе Әз бабам төріме!

Армысындар балалар!. Наурыз құтты болсын!

Көктем келді, Наурыз келді,
Жер көгерді, тал гүлдеді.
Дастарханын жайып дархан,
Жақсылық пен бақыт пашқан,
Наурыз келді тойға ұласқан.
Наурыз тойы құтты болсын,
Жер көгеріп малға толсын.

Балалар: «Наурыз құтты болсын!» дейді

Наурыз тойына арналған Тақпақтар:

Ергали: Ән айтамыз таласа,
Атам, әжем той, тойлап,
Қуанып жүр балаша.
Би билейміз тамаша!

ИбраһимТ: Наурыз келді құт болып
Мына бізге сүт болып,
Аққа аузымыз толады,
Бар жақсылық болады.

Нұрай: Наурыз келді еліме
Наурыз келді жеріме
Байлық, бақыт тілеймін
Бүкіл қазақ еліне!

Зейнүр: Келе жатыр жылымыз,
Мейрамдаймыз мұны біз,
Жас балаша нұрланып,
Жадырасып бәріміз.

Аружан: Наурыз тойы, наурыз тойы,
Құтты болсын ағайын
Наурыз тойы, Наурыз тойы,
Келді біздің Жаңа жыл!

Жүрг: Күлімдеген мына көктеммен бірге қазақ даласына жаңа жылда келіп жетті. Әр адам осы наурыздан үлкен үміт күтіп, жақсы тілекпен қарсы алады. Ән айтылып, күй тартылып би билейді. Ендеше, қыздарымыздың орындауындағы «Кесемен биін» тамашалаңыздар.



Ертөстік келеді. Ертөстік: Армысындар ағайын, Наурыз құтты болсын. Сендермен қауышуға асығып сонау жақтан келемін.

Жүрг: Қош келдің Ертөстік батыр. Сізді де бүлдіршіндер асыға күтуде.

Ертөстік: Суға салса батпаймын
Отқа салса жанбаймын.
Ел жұртымды сатпаймын
Өтірік сөз айтпаймын.

Мен Ер төстік, ал кара
Бота бала нар бала
Маған ұқсап өседі
Мұнда отырған бар бала.

Жүрг: Ертөстік батыр төрге шығыңыз. Бізбен бірге той тойлаңыз. Балаларымыздың әнін тыңдаңыз

Ән: "Наурыз-көктем" Балапан тобы

Жүрг: Сіздей батыр болатын балаларымыздың биін қабыл алыңыз

Би: "Батырлар" Балапан тобы

Ер төстік: Балалар менімен де бір ойын ойнайсындар ма?

Ойын: "Көкпар".

Шарты: Ортада үстел үстінде орамал ұстап қыз отырады. Екі ер бала атқа мініп дайын тұрады. Әуен басталғанда шеңбер бойымен айнала жүгіреді. Әуен тоқтағанда қыздың қолындағы кестелі орамалын қайсысы бұрын алса, сол жеңіске жетеді..

Жүрг: Біздің «Балдырған» тобының балаларымен де «Орамал» ойынын ойнап жіберсек



Ойын: «Орамалмен»



Желаяқ кіреді. Ұстандар мені, ұстандар! Токтай алмай жүрмін.

Ер төстік ұстап алады. -Ей сен кімсің?

Желаяқ: Мына жақта той болып жатыр деп естіп соған асығып келемін.

Ерт: сенің қандай өнерің бар?

Желаяқ: Балалармен жарысып ойын ойнай аламын.


Ойын: «Кім бірінші»

Шарты: Екі аттың таяғын алып жарысады.

Жүрг: Балапан тобы балалары оркестрде «Гүлдерайым» халық әнін орындайды.



Таусоғар келеді.



Ер төстік: Ей сен кім боласың?

Таусоғар: мен тауды тауға соғып жүрген Таусоғармын. Балаларда Наурыз тойы өтіп жатыр деп естіп той тойлайын деп келемін.

Ерт: Сен не істей аласың?

Таус: мен балалардың күштерін сынай аламын. Балалар менімен ойын ойнайсындар ма?



Ойын: «Аударыспақ»

Ертөстік: мен тағы да ойын ойнағым келіп кетті. Балалар менімен Асық ату ойынын ойнайсындар ма?

Залға ақ жаулықты Ақ әже келеді.



Жүрг: Армысыз ақ әже кош келдіңіз.

Ақ әже: Бар бол балам. Наурыз құтты болсын, қайда барсаң жол болсын.

Жүрг: Рахмет ақ әже. Наурыз мерекесіне орай мына балаларға өз тілегіңізді айтып жіберіңіз.

Ақ әже: Өмірлі болындар, өнерлі болындар!

Жүрг: Ақ әже балаларға қандай сый әкелгенсіз?

Ақ әже: Адал астан бұйырған

Дәм татсын деп ел жыйылған

Бидай салдым көжеге

Мол болсын деп биыл нан.

Осы ақ дәмнен ауыз тиіңдер қарақтарым.

Ақ әже батасын береді. Айналып келіп ай мен жыл

Аман есен көруге жазсын.

Наурыз тойы құтты болсын,

Ақ мол болсын!

Жер көгеріп малға толсын.

Ұлыс оң болсын! /Әумин/

